

*Dialuna 18 di Maart awor*

# Na "Museo Antigüedad Aruba" lo devela Plaqueette na memoria di Juan Mario Odor

ORANJESTAD (AAN) — Na "Museo Antigüedad Aruba" situa na Timbalstraat-11 (Tarabana) lo tuma lugar un actividad hopi special, dialuna 18 di maart awor, Dia di Himno y Bandera.

Pueblo di Aruba ta keda cordialmente invita for di 10'or di mainta pa 4'or di atardi, pa a bin admira varios articulo di tempo di indiannan y tambe loke nos antepasadonan tabata usa.

Traimerdia, pa 1'or lo devela un plaqueette conmemorativo na memoria di señor Juan Mario Odor (di feliz memoria), kende tabata fundador y propietario di tanto "Museo Numismatico Aruba", como di "Museo Antigüedad Aruba".

## BIOGRAFIA DI SEÑOR MARIO ODOR:

Juan Mario Odor a nace na Aruba dia 24 di november 1919, y a fayece dia 25 di februari 2001, na bida casa cu Ines Maria Odor-Carrasquero.

Don Mario a haya su enseñanza basico y secundario na Dominicus College y Juliana School.

El a traha como: cuidador di preso na Fort Zoutman, Uitvoerder na D.O.W (magazijn, despues di e segundo guerra mundial, y curator na Museo Numismatico Aruba. Durante añanan "50 pa 60" el a yuda hopi den deporte cu A.S.U, specialmente hopi por recorde como e bendedor di ticket na Wilhelmina Sport Park, despues Wilhelmina Stadion, y na LAGO Sport Park.

Juan Mario Odor a cuminsa colecciona moneda y biyete na edad hoben, y tabata fundador di Museo Numismatico Aruba, cual a worde inaugura dia 24 di november 1975, y Museo Antigüedad di Aruba, cu a habri dia 8 di september 1994.

E tabata miembro di e siguiente institucionnan internacional:

- United Nations World Coin Club),

- American Numismatic Association",

- World Proof Numismatic Association (di cual e tabata representante di Antiyas y Aruba),

- Al Dorego,

- Krause Publications

- World Coin News

- Comision pa traha e prome

- E tabata fundador di Aruba Coin Club", y co- fundador di Museo Historico Arubano den Fort Zoutman.

Señor Mario Odor su number a resalta den varios revista di Merca, entre otro, den "The Numismatist" y e tabata autor di varios articulo y buki tocante numismatica.

Museo Numismatico Arubano ta esun di mas grandi den Caribe. Fuera di numismatica Mario su otro hobby tabata Arqueologia y e tabata un arqueologo-amateur y a contribui cu hopi emision cu a ser skirbi tocante arqueologia di Aruba, cu obhetonan; y a yuda trece den claridad e diferente lugarnan na Aruba,

caminda e Indiannan Caquetio a pasa of biba.

Juan Mario semper a stima y a coopera cu e cultura di Aruba riba diferente tereno y a ricibi e prestigioso con-

decoracionnan: "Orde van Oranje-Nassau 30 di maart 1984", y "Ridder in de Orde van oranje-Nassau 24 april 1992".